



PROGRAM UTROŠKA SREDSTAVA

BUDŽETA BOSANSKO-PODRINJSKOG KANTONA GORAŽDE ZA 2018. GODINU

Godina:	2018
Budžetski korisnik	Ministarstvo za privredu
Ekonomski kod:	614 500
Naziv ekonomskog koda:	Subvencije privatnim preduzećima i poduzetnicima

juni 2018

PODACI O PROGRAMU

Naziv programa: Program podrške privatnim preduzećima i poduzetnicima na području Bosansko-podrinjskog kantona Goražde

Budžetski korisnik: Ministarstvo za privredu

Budžetski razdjel: 17

Ekonomski kod: 614 500

Analitički kod: POD 001

Naziv analitičkog koda: Subvencije privatnim preduzećima i poduzetnicima

Period realizacije programa: 01.01.2018 - 31.12.2018.

Ukupna vrijednost programa: 450.000 KM

Odgovorna osoba: Anes Salman,

Pozicija odgovorne osobe: Ministar

Kontakt osoba za program: Hadžiomerović Melida

Kontakt telefon: +387-38-228-640

Kontakt e-mail: melida.hadziomerovic@bpkg.gov.ba

Datum usvajanja programa: _____ . godine

Saglasnost: Saglasnost na program utroška dala je
Vlada Bosansko-podrinjskog kantona
Goražde: Odlukom, broj: _____

Internet: www.mp.bpkg.gov.ba

Na osnovu člana 46. Zakona o izvršenju Budžeta Bosansko-podrinjskog kantona Goražde za 2018.godinu ("Službene novine Bosansko-podrinjskog kantona Goražde", broj:13/17), i Zakona o sistemu državne pomoći u Bosni i Hercegovini ("Službeni glasnik BiH" broj: 10/12), Ministarstvo za privredu Bosansko-podrinjskog kantona Goražde utvrđuje:

PROGRAM UTROŠKA SREDSTAVA

Budžeta Bosansko-podrinjskog kantona Goražde za 2018. godinu
sa ekonomskog koda 614 500 - Subvencije privatnim preduzećima i poduzetnicima

TAČKA 1.

NAZIV PROGRAMA

Naziv Programa utroška sredstava Budžeta Bosansko-podrinjskog kantona Goražde sa ekonomskog koda 614500 – Subvencije privatnim preduzećima i poduzetnicima glasi: Program podrške privatnim preduzećima i poduzetnicima na području Bosansko- podrinjskog kantona Goražde (u daljem tekstu: program).

TAČKA 2.

NADLEŽNOSTI MINISTARSTVA ZA PRIVREDU

(1) Na osnovu Zakona o ministarstvima i drugim tijelima kantonalne uprave Bosansko-podrinjskog kantona Goražde (Službene novine BPK Goražde broj: 09/13), nadležnosti Ministarstva privrede su predlaganje i provođenje politike u oblasti industrije, poduzimanje mjera za unaprijeđenje proizvodnje, upravljanje prirodnim bogatstvima, razvoj poljoprivrede, upravljanje poljoprivrednim zemljištem, uzgoj, zaštita i unaprijeđenje šuma, šumske komunikacije i eksploatacija šuma, industrijske vode, vodoprivredne aktivnosti, korištenje voda u energetske i rekreacijske svrhe, upotreba i zaštita voda, ulaganja u privredna preduzeća, promet roba i usluga, učesće u kreiranju politike uvoza i izvoza, kontrola cijena proizvoda i usluga, zaključivanje ekonomskih sporazuma, kreiranje i implementaciju politike kantonalnog turizma, razvoj turističkih resursa, razvoj rekreativnih, rehabilitacijskih i drugih centara, promocija turizma, ugostiteljstvo, poduzetništvo, provođenje politke razvoja komunikacija i transportne infrastrukture, razvoj javnog prometa, izgradnja, obnova i održavanje saobraćajnica od značaja za kanton, modernizacija cestovnog prometa i osiguranje komunikacijskih veza na području Bosansko-podrinjskog kantona Goražde.

(2) Program je izrađen u skladu sa:

- a) Zakonom o izvršenju budžeta Bosansko-podrinjskog kantona Goražde za 2018. godinu;
- b) Strategiji razvoja Bosansko-podrinjskog kantona Goražde za period 2016-2020, (Sl.novine BPK Goražde,broj:4/16)

TAČKA 3.

OPIS PROGRAMA

- (1) Program osigurava da se planirana sredstva budžeta Ministarstva za privredu koriste na transparentan, specifičan, mjerljiv način sa svrhom da se podrži:
- a) privredni razvoj i zapošljavanje,
 - b) provođenje drugih mjera koje doprinose razvoju privrede, unaprijeđenju proizvodnje, infrastrukture i poboljšanja uslova za rad uposlenih.
- (2) Program obuhvata:
- a) odredbe o početku i rokovima provođenja programa,
 - b) opšti cilj i posebni ciljevi programa za 2018. godinu,
 - c) potrebna sredstva za provođenje programa,
 - d) kriterije za raspodjelu sredstava,
 - e) procedure apliciranja, selekcije i evaluacije projekata i zahtjeva za sredstvima,
 - f) prioriteti, finansijski kriteriji i način rangiranja,
 - g) naziv korisnika sredstava,
 - h) procjenu rezultata,
 - i) procjenu nepredviđenih rashoda i rizika.
- (3) Program definiše bitne elemente za dobijanje saglasnosti od strane Vlade u skladu sa Zakonom o izvršenju budžeta Bosansko-podrinjskog kantona Goražde (svrha programa, opšti i posebni ciljevi, kriteriji za raspodjelu sredstava, korisnike sredstava, način procjene rezultata i procjena nepredviđenih rashoda i izdataka).
- (4) Program je otvoren za sufinansiranje projekata privrednih društava koji doprinose kreiranju novih radnih mjesta, u malim, srednjim i velikim preduzećima, pomoć za privredna društva koja se nalaze u poteškoćama te projekata i aktivnosti koje doprinose povećanju konkurentskih prednosti u granama prerađivačke industrije, građevinarstva, proizvodnih i uslužnih djelatnosti čija je to osnovna djelatnost.

TAČKA 4.

POČETAK I ROKOVI PROVOĐENJA PROGRAMA

U Programu su definisane aktivnosti za 2018. godinu, a provođenje Programa počinje dobivanjem saglasnosti od strane Vlade Bosansko podrinjskog kantona Goražde i trajeće do 31.12.2018. godine. Krajnji rok za dostavljanje zahtjeva za korištenje sredstava ističe 10. Decembra 2018. godine u 16:00 sati.

TAČKA 5.

(5.1)

(Ključne korekcije programa za 2018. godinu)

- (1) Kako bi se poboljšao proces planiranja, organizacije, implementacije, monitoringa i evaluacije programa, primjenjuje se propisana metodologija Ministarstva za privredu utvrđena ovim Programom. Ova metodologija propisuje postupanje Komisije u slučaju prijedloga, primjedbi, sugestija i prigovora potencijalnih korisnika u toku planiranja i implementacije Programa.

TAČKA 6.

OPŠTI I POSEBNI CILJEVI PROGRAMA

(6.1)

(Opšti cilj)

Opšti cilj Programa je pomoć malim, srednjim i velikim preduzećima i poduzetnicima iz prerađivačke industrije, građevinarstva, proizvodnih i uslužnih djelatnosti na području Bosansko-podrinjskog kantona Goražde kroz podsticanje ekonomskog razvoja preduzeća.

(6.2)

(Posebni ciljevi)

Program sadrži posebne ciljeve za 2018. godinu koji su usklađeni sa opštim ciljem Programa. Posebni ciljevi Programa su:

- a) Razvoj malih, srednjih i velikih preduzeća i poduzetnika iz prerađivačke industrije, građevinarstva, proizvodnih i uslužnih djelatnosti.
- b) Podrška privrednim društvima u vidu subvencioniranja dijela profitne marže za privredna društva i obrtnike koji posluju na području Bosansko-podrinjskog kantona Goražde.
- c) Pružanje usluga u pogledu realizacije projekata unapređenja investicione klime u Bosansko-podrinjskom kantonu Goražde.
- d) podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju.

(6.3)

(Razvoj preduzeća)

(1) Podrška za razvoj preduzeća planirana je za projekte koji uključuju aktivnosti na izgradnji, proširenju ili adaptaciji proizvodnih objekata, nabavci mašina i opreme u poslovanju, kao i poboljšanju uslova rada, sigurnosti na radu i zdravlja radnika sa aktivnostima na otvaranju novih radnih mjesta, zapošljavanju, održivosti proizvodnje i uposlenih radnika i drugih aktivnosti koji doprinose poboljšanju i razvoju preduzeća kao i prioritnog cilja koji se odnosi na jačanje privrede. U okviru razvoja preduzeća, obezbjedit će se podrška u implementaciji projekata i aktivnosti koje doprinose povećanju broja radnika u malim, srednjim i velikim preduzećima, proizvodnim i uslužnim djelatnostima.

(2) Podrška će se obezbijediti i za druge projekte i mjere koje ispunjavaju uslove i kriterije za ostvarivanje podrške u okviru razvoja svih preduzeća.

(6.4)

(Podrška privrednim društvima u vidu subvencioniranja dijela profitne marže za privredna društva i obrtnike koji posluju na području Bosansko-podrinjskog kantona Goražde)

(1) Drugi poseban cilj programa je pružanje podrške privrednim društvima po liniji koja je plasirana za finansiranje dijela profitne marže za privredna društva, obrtnike i novoosnovane privredne subjekte koji posluju na području Bosansko-podrinjskog kantona Goražde, koji su podigli kredite u 2017 godini i dalje, po Programu podrške u razvoju privatnim preduzećima i poduzetnicima za 2017. godinu a koji se nastavlja u 2018. godini.

Poboljšanje uslova poslovanja privrednih društava, obrtnika i novoosnovanih privrednih subjekata sa području Bosansko-podrinjskog kantona Goražde kroz obezbeđenje povoljnih kreditnih sredstava

za subvencioniranje kamata u iznosu od 2% dijela kamatne stope putem sredstava Ministarstva zaprievredu Bosansko-podrinjskog kantona Goražde i sredstava odabrane banke;

(2) Opšti uslovi za učestvovanje:

U implementaciji programa primjenjivaće se procedure koje omogućavaju ravnopravno učestvovanje u programu i svim licima koja kumulativno ispunjavaju slijedeće opšte uslove:

- a) da su registrovana kao privredna društva shodno odredbama Zakona o privrednim društvima F BiH ili ako su obrtnici da su registrovani shodno Zakonu o obrtu i srodnim djelatnostima FBiH.
- b) da imaju registraciju na prostoru Bosansko-podrinjskog kantona Goražde,
- c) da obavlja registrovanu djelatnost na prostoru Bosansko-podrinjskog kantona Goražde.
- d) da su registrovana minimalno 1 godina od dana podnošenja aplikacija za učestvovanje u Programu.

(3) (Posebni uslovi za učestvovanje)

Za poseban cilj programa, pored opštih, primjenjivaće se i posebni uslovi za učestvovanje u programu.

(1) Posebni uslovi za apliciranje u okviru prvog cilja su:

- a) da su namjenski utrošili sredstva odobrena od strane Vlade Bosansko-podrinjskog kantona u periodu od protekle tri godine ukoliko im je takva pomoć dodjeljena,
- b) da su ispunili ugovorene obaveze po odobrenim grantovima Vlade Bosansko-podrinjskog kantona Goražde, a posebno po pitanju zapošljavanja, ukoliko su ih dobili u zadnje tri budžetske godine,
- c) da se ne nalaze u procesu stečaja ili likvidacije ili blokade računa,
- d) da nemaju neizmirenih obaveza za poreze i doprinose, uključujući i neizmirene obaveze koje su obuhvaćene ugovorom o reprogramiranju obaveza.

(2) Privredna društva koja ispunjavaju opšte i posebne uslove za učestvovanje u programu i koja u formi propisanoj od strane odabrane banke dostave prijedlog projekata za sredstvima imaju status aplikanta.

(3) Javni poziv za odabir banke se raspisuje u roku od 10 dana od dana dobivanja saglasnosti koja je propisana Programom.

(4) Nakon izbora banke koja će vršiti plasman udruženih sredstava putem kreditne linije, odabrana banka raspisuje Javni poziv za odabir kandidata-privrednih subjekata, obrtnika i novoosnovanih privrednih subjekata za kreditiranje sredstava putem ovog programa. Javni poziv se objavljuje putem sredstava javnih informisanja, na internet stranici odabarne banke, i stranici Vlade Bosansko-podrinjskog kantona Goražde, kao i oglasnim pločama Vlade BPK Goražde i Ministarstva za privredu BPK Goražde.

(Otvaranje aplikacija i administrativna provjera)

(1) Otvaranje aplikacija i administrativna provjera za prijedloge projekata privrednih društava se provodi najkasnije u roku koji će propisati odabrana banka.

(2) Banka će kompletirane zahtjeve nakon provjere unijeti na listu i poslati je na uvid i preliminarno odobrenje Ministarstva za privredu Bosansko-podrinjskog kantona Goražde. Ministarstvo za privredu će u roku od 7 dana potvrditi listu, kompletno ili djelimično a za kandidate za koje ima primjedbe ili prepreka za finansiranje – neizmirenih obaveza prema

BPK ili nenamjenskog utroška sredstava iz prethodnih projekata će dostaviti izjavu o ne prihvaćanju kandidata za finansiranje.

- (3) Zahtjev za finansiranje će se podnositi elektronski na namjensku mail adresu odabrane banke ili na protokol filijale odabrane banke u Goraždu.
- (4) Ministarstvo za privredu će posebnim aktom utvrditi kriterije, visinu sredstava i uslove pod kojima će se vršiti odabir banke koja će vršiti kreditiranje iz sredstava odabrane banke i Ministarstva za privredu Bosansko-podrinjskog kantona Goražde.
- (5) Nakon toga će se izvršiti ocjena i napraviti lista prioriteta za izbor banke koja će se dostaviti Ministarstvu za privredu Bosansko-podrinjskog kantona Goražde na usvajanje.
- (6) Korisnici sredstava po ovom cilju su privredni subjekti, obrtnici i novoosnovani subjekti koji ispunjavaju opšte i posebne uslove Programa i koji su uspješno rangirani za korištenje zajedničkih sredstava iz ovog Programa, po proceduri odabrane banke.
- (7) Kompletnu aktivnost po ovom programu kada se tiče povrata dodijeljenih sredstava i drugih ugovornih obaveza vršiće odabrana banka po svojim pravilima, sve dok traje ovaj program, odnosno dok traje Ugovor sa odabranom bankom.
- (8) Korisnici i implementatori sredstava iz Programa se utvrđuju Odlukom Vlade Bosansko-podrinjskog kantona Goražde, na način da će Vlada Bosansko-podrinjskog kantona Goražde davati saglasnost na predložene Ugovore između banke i korisnika sredstava, nakon čega će Vlada Bosansko-podrinjskog kantona Goražde odobravati novčana sredstva za isplatu subvencija tj. dijela kamata prema šestomjesečnim izvještajima koje dostavlja Vladi Bosansko-podrinjskog kantona Goražde odabrana banka.

(6.5)

Podrška u pružanju usluga u pogledu realizacije projekata unapređenja investicione klime u Bosansko-podrinjskom kantonu Goražde.

U skladu sa Ugovorom o savjetovanju, zaključenim između Međunarodne finansijske korporacije i Vlade Bosansko-podrinjskog kantona Goražde u aprilu 2017. godine, iznos od 22.000 KM biće dodijeljen Međunarodnoj finansijskoj korporaciji IFC za pružanje savjetodavnih usluga po projektu unapređenja investicione klime u Bosansko-podrinjskom kantonu Goražde, koji je započet u 2017. godini i koji će se nastaviti u tekućoj 2018. godini.

(6.6)

(Podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju)

- (1) Četvrti poseban cilj programa je pružanje podrške preduzećima u slučaju da problemi prouzrokovani smanjenim obimom proizvodnje, gubitkom tržišta i otklanjanju uskih grla u proizvodnji i poslovanju, mogu dovesti do ozbiljnijeg poremećaja na tržištu rada i smanjenju broja zaposlenih.
- (2) Podrška za izlazak iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju obezbjedit će se u vidu pomoći preduzećima koja imaju izrađen program sanacije na način i pod uslovima koji su definisani ovim programom.
- (3) Podrška će se obezbijediti preduzećima u prevazilaženju poteškoća koji nisu u stanju da bilo svojim vlastitim sredstvima ili sredstvima svojih osnivača, suosnivača, povjerioca zaustave gubitke što bi bez intervencije javnih organa u kratkom ili srednjem roku, gotovo sigurno rezultiralo prestankom njihovog poslovanja i gubitka radnih mjesta, te pomoć u slučaju poteškoća koje su prouzrokovane prirodnim nepogodama ili drugim vanrednim okolnostima.

TAČKA 7.

POTREBNA SREDSTVA ZA PROVOĐENJE PROGRAMA

(7.1)

(Visina sredstava za provođenje programa)

Potrebna sredstva za provođenje Programa definisana su Budžetom Bosansko-podrinjskog kantona Goražde („Službene novine BPK Goražde“, broj: 13/17) na ekonomskom kodu 614 500–Subvencije privatnim preduzećima i poduzetnicima u iznosu od **450.000 KM**.

(7.2)

(Maksimalni budžet po komponentama)

(1) Programom se utvrđuje visina, odnosno maksimalni i minimalni iznos sredstava za svaki posebni cilj programa. Maksimalna ili minimalna visina sredstava za pojedinačni, specifični cilj.

(2) Za svaki poseban cilj, odnosno za svaku finansijsku komponentu programa, definisan je slijedeći maksimalni i minimalni budžet:

- a) Razvoj malih, srednjih i velikih preduzeća i poduzetnika iz prerađivačke industrije, građevinarstva, proizvodnih i uslužnih djelatnosti.

Maksimalni budžet: 146.000 KM

- b) Podrška privrednim društvima u vidu subvencioniranja dijela profitne marže za privredna društva, obrtnike i novoosnovane privredne subjekte koji posluju na području Bosansko-podrinjskog kantona Goražde

Maksimalni budžet: 252.000 KM

- c) Međunarodna finansijska korporacija IFC

Maksimalni budžet: 22.000,00 KM

d) Podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju

Maksimalni budžet: 30.000 KM

(7.3)

(Redistribucija sredstava)

(1) U slučaju potrebe, Ministarstvo za privredu može napraviti redistribuciju sredstava sa jedne na drugu finansijsku komponentu u iznosu do maksimalno 10 procenata od iznosa komponente sa koje se sredstva prenose. Redistribuciju ovih sredstava Ministarstvo za privredu će izvršiti odlukom ministra bez saglasnosti Vlade.

(2) U slučaju postojanja opravdane potrebe za korekcijom iznosa sredstava planiranih za svaki posebni cilj Programa do maksimalno 25 procenata, Ministarstvo za privredu može napraviti redistribuciju sredstava uz saglasnost Vlade Bosansko-podrinjskog kantona Goražde.

(3) U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta Ministarstva za privredu i preusmjerenja između budžetskih korisnika, Ministarstvo za privredu se ovlašćuje da može izvršiti izmjenu i dopunu Programa u skladu sa potrebama na osnovu kojih su donešene Odluke o preusmjerenju, povećanju ili smanjenju ukupne vrijednosti Programa uz saglasnost Vlade.

TAČKA 8.

KRITERIJI ZA RASPODJELU SREDSTAVA

(8.1)

(Način raspodjele sredstava)

- (1) Raspodjela sredstava vrši se dodjelom državne pomoći u novcu, za projekte, aktivnosti i mjere u skladu sa ciljevima predviđene tačkom 7. Programa i može biti dodjeljena jednom ili više puta u skladu sa odredbama ovog programa.
- (2) Raspodjela sredstava u slučaju dodjele državne pomoći u novcu vršiće se na osnovu odobrenih projekata, zahtjeva za podsticaje u skladu sa Programom. Konačne Odluke o dodjeli državne pomoći za pojedinačne projekte, aktivnosti i mjere iz sredstava iz ovog programa na prijedlog Ministarstva za privredu donosi Vlada Bosansko-podrinjskog kantona Goražde.

(8.2)

(Kriteriji za raspodjelu)

- (1) Sredstva iz budžeta će se dodjeljivati korisnicima srazmjerno njihovom doprinosu ostvarivanja opštih i posebnih ciljeva i očekivanih rezultata programa.
- (2) Za ocjenjivanje doprinosa ostvarivanja ciljeva programa primjenjivat će se kriteriji koji su definisani za potrebe rangiranja aplikacija kako bi se osiguralo da prioriteta programa budu ispunjeni a stanje privrede poboljšano u skladu sa programom.
- (3) Kriteriji po osnovu kojeg će se vršiti raspodjela sredstava programa:
 - a) ispunjavanje opštih uslova za učestvovanje u programu (tačka 8.3),
 - b) ispunjavanje posebnih uslova za učestvovanje u programu (tačka 8.4).
 - c) rezultat procesa apliciranja, selekcije i evaluacije projekata i zahtjeva (tačka 10.),
 - d) prioriteta, posebni uslovi i ograničenja za korištenje podrške (tačka 11.).

(8.3)

(Opšti uslovi za učestvovanje u programu)

U implementaciji programa primjenjivaće se procedure koje omogućavaju ravnopravno učestvovanje u programu i svim licima koja kumulativno ispunjavaju slijedeće opšte uslove:

- a) da su registrovana kao privredna društva shodno odredbama Zakona o privrednim društvima F BiH,
- b) da imaju registraciju na prostoru Bosansko-podrinjskog kantona Goražde,
- c) da u momentu podnošenja aplikacije imaju minimalno 3 stalno zaposlenih radnika na neodređeno vrijeme,
- d) da obavlja registrovanu djelatnost na prostoru Bosansko-podrinjskog kantona Goražde, sa minimalnim brojem radnika koji su predviđeni Programom,
- e) da su registrovana minimalno 1 godine od dana podnošenja aplikacije za učestvovanje u Programu.
- f) Međunarodna korporacija IFC nije obavezna poštivati opšte i posebne uslove u Programu, već će im se sredstva dodijeliti Odlukom Vlade BPK Goražde i Ugovora koji će zaključiti sa Vladom BPK Goražde.
- g) Podrška privrednim društvima u vidu subvencioniranja dijela profitne marže za privredna društva, obrtnike i novoosnovane privredne subjekte koji posluju na području Bosansko-podrinjskog kantona Goražde

(8.4)

(Posebni uslovi za učestvovanje u programu)

- (1) Za svaki poseban cilj programa, pored opštih, primjenjivaće se i posebni uslovi za učestvovanje u programu.
- (2) Posebni uslovi za apliciranje u okviru prvog posebnog cilja su:
 - a) da su namjenski utrošili sredstva odobrena od strane Vlade Bosansko-podrinjskog kantona u periodu od protekle tri godine ukoliko im je takva pomoć dodjeljena,
 - b) da su ispunili ugovorene obaveze po odobrenim grantovima Vlade Bosansko-podrinjskog kantona Goražde, a posebno po pitanju zapošljavanja, ukoliko su ih dobili u zadnje tri budžetske godine,
 - c) da se ne nalaze u procesu stečaja ili likvidacije ili blokade računa,
 - d) da nemaju neizmirenih obaveza za poreze i doprinose, osim ukoliko imaju ugovor o reprogramiranju poreznih obaveza i da se taj ugovor poštuje.
- (3) Posebni uslovi za apliciranje u okviru četvrtog posebnog cilja su:
 - a) da imaju urađen elaborat sanacije i restrukturiranja koji dokazuje sposobnost održivog poslovanja na tržištu nakon završetka procesa restrukturiranja i oporavka preduzeća.

(8.5.)

(Kandidovanje prijedloga projekta i podnošenje zahtjeva za sredstvima)

- (1) Prijedlozi projekata i zahtjevi za sredstvima dostavljaju se nakon objavljivanja javnog poziva, koji se raspisuje u skladu sa odredbama Programa.
- (2) Prijedlozi projekata se ne dostavljaju za apliciranje na sredstva u okviru drugog i trećeg i četvrtog posebnog cilja.
- (3) U okviru četvrtog posebnog cilja apliciranje na sredstva moguće je isključivo u formi zahtjeva za sredstvima uz obavezno dostavljanje sanacionog elaborata.
- (4) Minimalno jedan javni poziv će se raspisati za sve specifične ciljeve programa za koje su Programom predviđena sredstva. Ministarstvo za privredu može raspisati i javni poziv za pojedinačne komponente programa u slučaju raspisivanja dva i više javnih poziva.
- (5) Pravilno popunjavanje propisane forme omogućava da se svi aspekti prijedloga projekata i zahtjeva objektivno selektiraju i procjene.
- (6) Svi prijedlozi projekata ili zahtjevi se procjenjuju u skladu sa procedurama apliciranja, selekcije, evaluacije i rangiranja.

TAČKA 9

PROCEDURA APLICIRANJA I OCJENJIVANJA

(9.1)

(Aplikanti)

- (1) Lica koja ispunjavaju opšte i posebne uslove za učestvovanje u programu i koja u formi propisanoj od strane Ministarstva za privredu dostave prijedlog projekata i zahtjev za sredstvima imaju status aplikanta. Aplikanti nemogu biti lica koja se bave drugim uslužnim djelatnostima iz oblasti obrta, trgovine, ugostiteljstva i turizma jer se ove oblasti tretiraju drugim programima.

- (2) Javni poziv se raspisuje u roku od 15 dana od dana dobivanja saglasnosti koja je propisana Programom. Javni poziv minimalno sadrži sažetak svrhe, opšteg i posebnog cilja, način raspodjele i rokove za dostavljanje aplikacija.
- (3) Javni poziv se objavljuje na internet stranici Vlade Bosansko-podrinjskog kantona Goražde i u jednom ili više elektronskih medija.
- (4) Krajnji rok za objavljivanje javnih poziva je 10. decembra 2018. godine.
- (5) Javni poziv se ne odnosi na Međunarodnu korporaciju IFC i za podršku privrednim društvima u vidu subvencioniranja dijela profitne marže za privredna društva, obrtnike i novoosnovane privredne subjekte koji posluju na području Bosansko-podrinjskog kantona Goražde jer su projekti započeti u 2017. godini i njima će se sredstva dodijeliti na osnovu Odluka Vlade BPK Goražde.

(9.2)

(Kandidovanje prijedloga projekata)

- (1) Aplikant može kandidovati prijedlog projekta u kojem je planirano finansiranje troškova projekta iz sredstava programa.
- (2) Aplikant može dostaviti maksimalno jedan prijedlog projekta. Prijedlozi projekata se ne dostavljaju u okviru drugog, trećeg i četvrtog posebnog cilja.
- (3) Ministarstvo će raspisati drugi javni poziv za dostavljanje prijedloga projekata ukoliko se u prvom javnom pozivu ne utroše sva planirana sredstva programa, ukoliko dođe do povećanja budžeta, te ukoliko sredstva planirana za finansiranje zahtjeva i podsticaja ne utroše u vremenskom planu koji je određen programom.
- (4) Obavezni sadržaj prijedloga projekta je definisan u formi za apliciranje koja se nalazi u Prilogu 1. ovog programa.

(9.3)

(Finansiranje prijedloga projekata)

- (1) Ukupan budžet predloženih projekata koje aplikanti dostavljaju za finansiranje, nije limitiran. Maksimalni iznos grantase ograničava na iznos do 50.000 KM.
- (2) Minimalni i maksimalni iznos granta po četvrtom cilju koji može biti zatražen za sufinansiranje zahtjeva je do 15.000 KM.
- (3) Minimalni i maksimalni iznos granta za sufinansiranje projekata iz sredstava ovog programa su definisani u rasponu za svaki specifični cilj u tabeli 4.

Tabela 4:

Pregled minimanih i maksimalnih iznosa grant sredstava u novcu za sufinansiranje iz programa

Rbr	Poseban cilj	Ukupan budžet po komponenti	Minimalni iznos granta	Maksimalni iznos granta
1.	Razvoj preduzeća u prerađivačkoj industriji	146.000	0	50.000 KM
2.	Podrška privrednim društvima u vidu subvencioniranja dijela profitne marže za privredna društva i obrtnike koji posluju na području Bosansko-podrinjskog kantona Goražde	252.000 KM	-	-
3.	Međunarodnu korporaciju IFC	22.000	-	-
4.	Podrška u izlasku iz problema prouzrokovanim smanjenim obimom proizvodnje, gubitkom tržišta i otklanjanju uskih grla u proizvodnji i poslovanju	30.000	0	15.000

(9.4)

(Podnošenje zahtjeva za sredstvima)

- (1) Zahtjev za sredstvima aplikant podnosi u propisanoj aplikacionoj formi za zahtjeve.
- (2) Podnošenje zahtjeva za sredstvima namijenjeno je prvenstveno za apliciranje za sredstva u okviru četvrtog posebnog cilja.
- (3) Aplikant ne može u toku godine u okviru istog cilja dostaviti i prijedlog projekta i zahtjev za sredstvima. Ukoliko je u toku godine aplikant koristio sredstva programa putem zahtjeva za sredstvima, njegov prijedlog projekta, ukoliko je podnešen za isti cilj kao i zahtjev, biće automatski odbijen do ispunjavanja ugovorenih obaveza.
- (4) Aplikant može dostaviti zahtjeve za sredstvima od dana objavljivanja ovog programa u „Službenim novinama Bosansko-podrinjskog kantona Goražde“ do momenta utroška sredstava, a najkasnije do 10.12.2018.godine.

(9.5)

(Obavezni sadržaj zahtjeva)

U podnešenom zahtjevu aplikant je dužan navesti:

- a) osnovne podatke o aplikantu,
- b) opis usklađenosti zahtjeva sa opštim i posebnim ciljevima programa,

- c) razlog zbog kojeg se zahtjevom traži odobravanje sredstava sa finansijskim opisom i mjerama poduzetim prije podnošenja zahtjeva,
- d) pregled planiranih aktivnosti,
- e) očekivani rezultat koji se planira ostvariti,
- f) iznos traženih sredstava iz programa i iznos sredstava koji bi se obezbijedio iz drugih izvora.

(9.6)

(Finansiranje zahtjeva za sredstvima)

- (1) Maksimalni iznos granta koji može biti zatražen u okviru četvrtog posebnog cilja – podrška u izlasku iz problema prouzrokovanim recesijom i gubitkom tržištu je do 15.000 KM.
- (2) Prilikom podnošenja zahtjeva za sredstvima aplikanti su dužni da vode računa o kriterijima za podsticaje koji su navedeni u Programu. Svaka aplikacija koja nije u skladu sa ovim kriterijima, dodatnim uslovima i ograničenjima će biti odbačena u administrativnoj provjeri.
- (3) Zahtjevi za sredstvima izvan roka, te zahtjevi u kojima je tražen iznos sredstava veći od maksimalne vrijednosti predviđene Programom kao i zahtjevi u kojima nisu dostavljeni dokazi o ispunjavanju posebnih uslova ili ograničenja za ostvarivanje podsticaja će biti automatski odbijeni kao neprihvatljivi za finansiranje.

(9.7)

(Otvaranje aplikacija i administrativna provjera)

- (1) Otvaranje aplikacija i administrativna provjera za prijedloge projekata se provodi najkasnije u roku od 15 dana od zatvaranja javnog poziva.
- (2) Aplikacije za zahtjeve za sredstvima i prijave za podsticaje se otvaraju nakon prijema i kao takve upućuju u proceduru administrativne provjere i ocjenjivanja.
- (3) Administrativna provjera se provodi u cilju utvrđivanja da li lice koje je dostavilo aplikaciju ispunjava uslove za dobivanje statusa aplikanta u skladu sa odredbama ovog Programa. Administrativnu provjeru provodi komisija Ministarstva za privredu Bosansko-podrinjskog kantona Goražde. Komisija provjerava da li je aplikacija zadovoljila slijedeće uslove:
 - a) da je aplikacija dostavljena u roku i na način predviđen programom,
 - b) da je aplikacija potpuna i ispravno popunjena u skladu sa propisanom formom,
 - c) da su dostavljeni svi prilozi na način predviđen programom
 - d) da aplikant ispunjava opšte uslove za učestvovanje u programu,
 - e) da aplikant ispunjava posebne uslove za učestvovanjem u programu,
 - f) da je aplikacija u skladu s prioritetima, posebni uslovi i ograničenja za korištenje podrške,
 - g) da je aplikacija usklađena sa svrhom programa, opštim ciljem programa, da je zahtjevana podrška u skladu sa posebnim ciljevima programa, da je predloženo finansiranje u skladu sa odredbama o finansiranju, da su ispunjeni uslovi i kriteriji za ostvarivanje podsticaja.

(4) Ukoliko su ovi uslovi ispunjeni, Komisija će aplikaciju evaluirati u skladu sa odredbama programa. Komisija može zatražiti od aplikanta dostavljanje dodatne dokumentacije ukoliko je očigledno da je dokument izostavljen zbog slučajne tehničke greške, a što se može indirektno utvrditi na osnovu preostale dostavljene dokumentacije. Komisija može zatražiti dopunu dokumentacije za maksimalno dva dokaza o ispunjavanju opštih ili posebnih uslova koja su propisana programom. U suprotnom aplikacija će bez ocjenjivanja biti odbijena iz administrativnih razloga.

(5) Aplikacije pisane rukom će biti automatski odbijene.

(6) Nakon provedene procedure, Ministarstvo za privredu će obavijestiti sve aplikante o rezultatima administrativne provjere.

(9.8)

(Ocjenjivanje dostavljenih prijedloga projekata i zahtjeva)

(1) Za provođenje procesa selekcije, evaluacije i ocjenjivanja prijedloga projekata i zahtjeva Ministarstvo za privredu će formirati Komisiju.

(2) Komisija sve dostavljene aplikacije razmatra i ocjenjuje u periodu od maksimalno 30 dana od završetka administrativne provjere u skladu sa kriterijima iz tačke 8.2.

(3) Komisija kod ocjenjivanja i evaluacije primjenjuje pet grupa kriterija i to:

a) Finansijski i operativni kapaciteti aplikanta

b) Relevantnost

c) Metodologija

d) Održivost

e) Budžet i troškovna efikasnost

(9.9)

(Ocjenjivanje/evaluacija aplikacija)

(1) Evaluacija aplikacija se provodi na osnovu kriterija i skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim redoslijedom:

1 - veoma slabo;

2 - slabo;

3 - adekvatno;

4 - dobro;

5 - veoma dobro.

- (2) Svaka ocjena se množi sa koeficijentom koji je za svaki kriterij predviđen u evaluacijskoj skali. Maksimalan broj bodova za projekat iznosi 100, dok je maksimalan broj bodova za zahtjev za sredstvima 80.
- (3) Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15, aplikacija se odbija bez obzira na dobiven ukupan maksimalan broj bodova.
- (4) Ukoliko je ukupan rezultat u poglavlju **budžet i troškovna efikasnost** manji od 15, aplikacija se odbija bez obzira na dobiven ukupan maksimalan broj bodova.
- (5) Komisija će procjenjivati vrijednost kriterija. Prilikom određivanja vrijednosti kriterija komisija će se pridržavati prioriteta, posebnih uslova, finansijskih kriterija i načina rangiranja koji su propisani programom. Svi članovi komisije dodjeluju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

(9.10)

(Kriteriji i skala za evaluaciju)

KRITERIJ	SKALA	
	Projekti	Zahtjevi
1. Finansijski i operativni kapaciteti aplikanta	10	
1.1. Procjenjeni nivo iskustva aplikanta u upravljanju projektom?	5	-
1.2. Procjenjeni nivo finansijskih kapaciteta aplikanta neophodnihg za implementaciju projekata?	5	-
2. Relevantnost	30	30
2.1. Koliko je aplikacija relevantna za svrhu, opšti i posebne ciljeve programa?	5x2	5x2
2.2. Koliko je aplikacija relevantna za prioritetne aktivnosti programa?	5x2	5x2
2.3. Koliko je aplikacija relevantna za očekivane rezultate programa?	5x2	5x2
3. Metodologija	10	
3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?	5	-
3.2. Koliko je koherentan dizajn projekta, konkretna analiza problema, da li su predložene aktivnosti odgovarajuće za rješavanje prezentiranog problema, te da li su na zadovoljavajući način planirani raspoloživi resursi aplikanta neophodni za ostvarivanje planiranih rezultata iz projekta ?	5	-
4. Održivost	20	20
4.1. Da li će mjere podrške programa značajnije doprinijeti rješavanju problema koji je naveden u prijedlogu projekta ili zahtjevu?	5	5
4.2. Da li predložene aktivnosti mogu imati pozitivne efekte na poboljšanje stanja privredi na području Bosansko-podrinjskog kantona Goražde?	5x2	5x2
4.3. Da li predložene aktivnosti mogu imati pozitivne multiplikativne efekte na sektor u kojem aplikant posluje, odnosno na prerađivački sektor Bosansko-podrinjskog kantona Goražde?	5	5
5. Budžet i troškovna efikasnost	30	30
5.1. Da li je odnos između planiranih troškova i očekivanih rezultata zadovoljavajući?	5x2	5x2
5.2. Da li je visina predloženih troškova adekvatna za implementaciju planiranih aktivnosti?	5x2	5x2
5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?	5x2	5x2
MAKSIMALAN BROJ BODOVA	100	80

(9.11)

(Procedura odobravanja prijedloga projekata)

- (1) Za projekte koji su u procesu evaluacije dobili više od 70 bodova, komisija rangira po broju osvojenih bodova.
- (2) U procesu odobravanja, komisija može uvidom na terenu provjeriti stanje u pogledu ukladenosti stvarnog stanja sa stanjem navedenim u prijedlogu projekta.
- (3) Nakon provedenog rangiranja odobravaju se svi najbolje rangirani projekti do visine raspoloživih sredstava koja su Programom definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.
- (4) Odobrene projekte Ministarstvo za privredu predlaže Vladi Bosansko-podrinjskog kantona Goražde da donese Odluku o odobravanju prijedloga projekta koji će se sufinansirati iz sredstava budžeta Bosansko-podrinjskog kantona Gorazde – ekonomski kod 614 500 – Subvencije privatnim preduzećima i poduzetnicima.
- (5) Ukoliko se radi o odobrenom projektu kojim se korisniku odobrava isplata sredstava u novcu, istovremeno sa prijedlogom Odluke o odobravanju prijedloga projekta, Vladi kantona se dostavlja odobreni prijedlog projekta i prednacrt Ugovora o sufinansiranju odobrenog projekta.
- (6) Nakon prihvatanja prijedloga Odluke od strane Vlade Bosansko-podrinjskog kantona Goražde, i pribavljenog mišljenja kantonalnog pravobranilaštva na nacrt Ugovora, pristupa se potpisivanju Ugovora za sufinansiranje projekta o čemu se aplikant pismeno obavještava. Ugovorom se definiše način implementacije projekta, vrijeme implementacije, obaveze korisnika sredstava i Ministarstva za privredu Bosansko-podrinjskog kantona Goražde i način obezbjeđenja instrumenata za namjenski utrošak sredstava.
- (7) Nakon potpisivanja Ugovora, Ministarstvo za privredu predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o odobravanju sredstava iz budžeta kantona – ekonomski kod 614 500 – Subvencije privatnim preduzećima i poduzetnicima u skladu sa potpisanim Ugovorom.
- (8) Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, zahtjev za plaćanje se dostavlja Ministarstvu za finansije Bosansko-podrinjskog kantona Goražde.

(9.12)

(Procedure odobravanja zahtjeva za sredstvima)

- (1) Aplikacije podnešene u formi zahtjeva koji se odnose na četvrti poseban cilj biće pojedinačno ocjenjivani od strane Komisije na osnovu opštih i posebnih uslova, shodno tački 8.3. i 8.4. ovog Programa.
- (2) Nakon provedenog ocjenjivanja i rangiranja, Komisija predlaže odobravanje zahtjeva koji su prešli 50 bodova u punom ili umanjenom iznosu u zavisnosti od rezultata procesa evaluacije. U toku provođenja procedura odobravanja zahtjeva Komisija vodi računa o prethodno odobrenim zahtjevima, odobrenim projektima, odnosno projektima koji se nalaze u procesu odobravanja. Komisija može predložiti privremenu suspenziju procedura odobravanja zahtjeva najviše do 3 mjeseca, nakon čega donosi konačni prijedlog Odluke.
- (3) Zahtjevi za sredstvima koji su odobreni od strane Komisije za rangiranje, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja Odluke o preraspodjeli sredstava u skladu sa odredbama Programa u 2018.godini. U suprotnom zahtjev za sredstvima se odbija.

- (4) Sve odobrene zahtjeve Ministarstvo za privredu Bosansko-podrinjskog kantona Goražde predlaže Vladi Bosansko-podrinjskog kantona Goražde da u skladu sa Zakonom o izvršenju Budžeta, donese Odluku o odobravanju sredstava iz budžeta Bosansko-podrinjskog kantona – ekonomski kod 614 500 – Subvencije privatnim preduzećima i poduzetnicima.
- (5) Ugovorom će se definisati način implementacije sredstava, vrijeme implementacije, obaveze korisnika sredstava i način obezbjeđenja instrumenata za namjenski utrošak sredstava.
- (6) Nakon prihvatanja prijedloga Odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, zahtjev je odobren i Ministarstvo za privredu dostavlja zahtjev za plaćanje Ministarstvu za finansije Bosansko-podrinjskog kantona Goražde
- (7) Zahtjevi za sredstvima koji su podnešeni za ostvarivanje podsticaja, Komisija razvrstava po vrstama podsticaja i provjerava ispunjavanje posebnih uslova i ograničenja. Komisija može i provjerom na terenu provjeriti ispunjavanja uslova za dobijanje podsticaja.
- (8) Nakon odobravanja podsticaja Ministarstvo za privredu će u registru aplikanta zavesti vrijeme ostvarivanja podsticaja, obaveze korisnika sredstava čije neispunjavanje predstavljaju ograničenja za buduće apliciranje korisnika za sredstva podsticaja iz ovog programa
- (9) Nakon prihvatanja prijedloga Odluke o odobravanju podsticajnih sredstava od strane Vlade Bosansko-podrinjskog kantona Goražde, zahtjev je odobren i Ministarstvo za privredu dostavlja zahtjev za plaćanje Ministarstvu za finansije Bosansko-podrinjskog kantona Goražde

TAČKA 10.

PRIORITETI, OGRANIČENJA I NAČIN RANGIRANJA

(10.1)

(Prioritetne aktivnosti)

- (1) Prioritetne aktivnosti i mjere u okviru prvog posebnog cilja su:
 - a) Nabavka mašina, uređaja i opreme u industrijskoj proizvodnji i građevinarstvu, proizvodnoj i uslužnoj djelatnosti koja su trenutno uska grla u osnovnoj djelatnosti.
 - b) nabavka mašina i opreme putem koje se stvaraju uslovi za zapošljavanje novih radnika i otklanjanje uskih grla u procesu proizvodnje
 - c) mjere koje doprinose poboljšanju uslova rada, sigurnosti na radu i zdravlja radnika.

(10.2)

(Način rangiranja)

- (1) Prilikom ocjenjivanja finansijskih i operativnih kapaciteta prednost će se dati aplikantima koji redovno izmiruju obaveze prema porezima i doprinosima u odnosu na aplikante koji imaju reprogram duga, koji su duži vremenski period aktivni na području kantona, koji su veći broj godina poslovali sa dobitkom.
- (2) Prilikom ocjenjivanja relevantnosti projekta prednost će se davati projektima koji su predviđeni programom, a komisija će voditi računa o raznolikosti i zastupljenosti proizvodnje proizvoda i usluga na području kantona koje su predmet apliciranih projekata.
- (3) Prednost će se dati aplikacijama koje imaju za cilj realizaciju prioritetnih aktivnosti i mjera predviđenim ovim programom. Posebna pažnja će biti data aplikacijama koje doprinose ostvarivanju više prioritetnih aktivnosti i mjera predviđenih programom.

- (4) Prednost u pružanju podrške će se dati projektima i zahtjevima koji omogućavaju ostvarivanje većih rezultata koji su predviđeni ovim programom.
- (5) Prilikom ocjenjivanja metodologije ocijenjivat će se metode i predloženi način realizacije aktivnosti, a aplikacije koje imaju bolje razrađenu metodologiju i koherentniji plan implementacije će imati prednost pri rangiranju .
- (6) Prilikom ocjenjivanja održivosti prednost imaju aplikacije koje na sve obuhvatniji način rješavaju problem i omogućavaju ostvarenje rezultata , koje provode aktivnosti koje su bolje povezane sa potrebama poduzetništva i obrta i koje mogu dugoročno osigurati nastavak aktivnosti i nakon završetka projekta.
- (7) Prilikom ocjenjivanja budžeta i troškovne efikasnosti prednost će se dati aplikacijama koje bolje ispunjavaju finansijske kriterije programa, koje su u budžetu navele i iskazale sve aktivnosti potrebne za realizaciju projekta.

TAČKA 11.

NAZIV KORISNIKA SREDSTAVA

(11.1)

(Korisnici sredstava)

- (1) Korisnici sredstava programa su lica koja ispunjavaju opšte i posebne uslove Programa i koji su uspješno završili proces apliciranja, selekcije i ocjenjivanja i koji su uspješno rangirani za korištenje sredstava iz ovog Programa.
- (2) Korisnici i implementatori sredstava iz Programa se određuju Odlukom Vlade Bosansko-podrinjskog kantona Goražde.

(11.2)

(Registar korisnika)

Ministarstvo za privredu Bosansko-podrinjskog kantona Goražde vodi registar korisnika u kojem se nalaze svi relevantni podaci o datoj državnoj pomoći u okviru ovog programa za period od pet godine od godine dobijanja državne pomoći.

TAČKA 12.

PROCJENA REZULTATA

(12.1)

(Pregled očekivanih rezultata podrške)

- (1) Očekivani rezultati Programa podrške razvoju privrede na području Bosansko-podrinjskog kantona Goražde su:
 - povećan obim poslovanja i kvalitet usluga kod malih, srednjih i velikih preduzeća i poduzetnika, građevinarstvu, proizvodnim i uslužnim djelatnostima;
 - spriječen veći gubitak radnih mjesta..
- (2) Aplikanti su dužni u prijedlogu projekta navesti specifične rezultate koji su direktno povezani sa djelatnošću privrednih društava i moraju biti mjerljivi i jasno vremenski određeni.
- (3) Sve aplikacije koje se podnose za finansiranje iz sredstava programa će biti procjenjivani u odnosu na njihove očekivane rezultate. Očekivani rezultati prijedloga projekata i zahtjeva za sredstvima se procjenjuju u odnosu na očekivane rezultate programa.

(12.2)

(Kvantitativni pregled očekivanih rezultata)

(1) Mjerenje rezultata aktivnosti će se vršiti na osnovu rezultata monitoringa implementacije i rezultata obilaskom korisnika na terenu i na osnovu pismenih izvještaja korisnika sredstava.

(2) U cilju osiguranja procjene rezultata Programa odabrani korisnici koji su dobili podršku dužni su nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde Izvještaj o provedenim aktivnostima koja su odobrena za finansiranje iz Programa. Odabrani korisnici dužni su dostaviti Izvještaj o utrošku sredstava. Forma i sadržaj Izvještaja o utrošku sredstava će biti dostavljena svim korisnicima sredstava.

(12.3)

(Monitoring implementacije programa)

(1) Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim Ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu Bosansko-podrinjskog kantona Goražde izvještaj o provedenim aktivnostima koja su odobrena za finansiranje iz Programa.

(2) Nadzor realizacije Programa vrši Ministarstvo za privredu Bosansko-podrinjskog kantona Goražde.

(3) Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodjeljenih sredstava.

(4) U slučaju da rezultati monitoringa ukažu na značajan zaostatak u ispunjavanju ugovorenih obaveza, Ministarstvo za privredu predlaže Vladi Bosansko-podrinjskog kantona Goražde donošenje Odluke o povratu dodjeljenje državne pomoći ili preusmjeravanje u skladu sa odredbama programa.

TAČKA 13.

PROCJENA NEPREDVIĐENIH RASHODA I RIZIKA

(13.1)

(Nepredviđeni rashodi)

(1) Nepredviđeni rashodi za programom predviđene aktivnosti mogu se pojaviti samo kao rezultat promjena unutar interne strukture samog Programa, ali ne i do povećanja ukupnih nepredviđenih rashoda Programa.

(13.2)

(Rizici)

(1) Kako bi se smanjili rizici u procesu implementacije Programa uvedene su novine i u procesu selekcije i monitoringu aktivnosti koje su podržane u okviru ovog Programa. Novine se odnose u omogućavanju službenicima terenske posjete i prikupljanje dodatnih informacija neophodnih za proces selekcije, te monitoring u toku same implementacije aktivnosti i mjera koje su podržane ovim Programom.

(2) Aplikanti su dužni planirati odgovarajuće mjere koje će poduzeti u slučaju ostvarivanja rizika koji mogu uticati na ostvarivanje ciljeva i rezultata koji su predviđeni u aktivnostima i mjerama za koje su dobili podršku iz ovog programa.

TAČKA 14.

POTREBAN BROJ RADNIKA ZA PROVOĐENJE PROGRAMA I STUPANJE NA SNAGU

- (1) Za provođenje Programa su nadležni zaposleni u Ministarstvu za privredu Bosansko-podrinjskog kantona Goražde i Program ne zahtjeva angažovanje dodatnih radnika na provođenju Programa, izuzev za korištenje vanjskih usluga za potrebe izrade baze podataka registra korisnika.
- (2) Ovaj Program stupa na snagu danom davanja saglasnosti Vlade Bosansko – podrinjskog kantona Goražde na isti i naknadno će se objaviti u „Službenim novinama BPK Goražde“. Danom stupanja na snagu ovog Programa prestaje da važi Program utroška sredstava broj:04-14-369-2/18 od 09.03.2018.godine i broj: 04-14-369-10/18 od 06.04.2018.godine.

Broj: 04-_____.godine

Goražde _____ 2018.godine

MINISTAR

Anes Salman

Saglasnost na ovaj Program dala je Vlada Bosansko-podrinjskog kantona Goražde, Odlukom broj: 03-_____/18, dana _____ 2018. godine.